

ՀԱՅԱՍՏԱՆԻ ՀԱՆՐԱՊԵՏՈՒԹԵԱՆ ՎԱՅՈՑ ՁՈՐԻ ՄԱՐԶԻ ՆՈՐԱԿԱՌՈՅՑ ԵԿԵՂԵՑԻՆԵՐԸ (2000-21)

ԱՐՄԱՆ ՄԱԼՈՅԱՆ (armanmaloyan@mail.ru)

ՄՈՒՏՔ

ՀՀ Վայոց Ձորի մարզը կազմաորուել է 1995ին: Մարզն իր անունը ստացել է Մեծ Հայքի Սիւնիք նահանգի (աշխարհ) Վայոց Ձոր գաւառի անունից: Մարզը ներառում է Եղեգնաձորի եւ Վայքի նախկին վարչական շրջանները: Վայոց Ձորի մարզը բնակչութեան թուով ամենափոքր, ամենանոսր բնակեցուած եւ ամենաքիչ թուով բնակավայրեր ունեցող մարզն է: Վայոց Ձորի տարածքը շուրջ 2308 քառ. կմ է եւ կազմում է ՀՀ տարածքի շուրջ 7,7%ը: Մարզկենտրոնն է Եղեգնաձոր քաղաքը: Մարզն ունի 3 քաղաքային (Եղեգնաձոր, Ջերմուկ, Վայք) եւ 52 գիւղական բնակավայր (ընդամենը՝ 55 բնակավայր): Վայոց Ձորի մարզում է գտնուում ՀՀ ամենագեղեցիկ՝ Ջերմուկի կամ «Ջրահարսի վարսեր» ջրվեժը: Սեւանայ լճի մակարդակի անկումը կանգնեցնելու նպատակով կառուցուեց 48,3 կմ երկարութեամբ Արփա-Սեւան ստորգետնեայ ջրատար փապուղին (1963-81), որը սկիզբ է առնում Կեչուտի ջրամբարից, իսկ ապա նաեւ Որոտան-Արփա փապուղին՝ 21,6 կմ երկարութեամբ (կառուցումն աւարտուել է 2004ին):

Վայոց Ձորի մարզը հիւսիսից սահմանակից է Գեղարքունիքի մարզին, հիւսիս-արեւելքից՝ Արցախին, հարաւ-արեւելքից՝ Սիւնիքի մարզին, հարաւից՝ Նախիջեւանին, արեւմուտքից՝ Արարատի մարզին:

Մարզի ամենամեծ քաղաքը մարզկենտրոն Եղեգնաձորն է:

Մարզի տարածքը կազմում է Հայ Առաքելական Եկեղեցու Վայոց Ձորի թեմը, որը հիմնուել է Գարեգին Բ.ի կոնդակով 2010 Դեկտեմբերի 10ին, երբ Վայոց Ձորի մարզը դուրս է բերուել Սիւնեաց թեմի կազմից եւ դարձել առանձին թեմ: Թեմի առաջնորդանիստը մարզկենտրոն Եղեգնաձորի Ս. Աստուածածին եկեղեցին է¹: Վայոց Ձորի թեմի առաջնորդն է Աբրահամ արք. Մկրտչեանը (2010 Դեկտեմբերի 10ից առ այսօր), իսկ թեմի փոխառաջնորդն է Նորավանքի վանահայր Զարեհ վարդապետ Կաբաղեանը (2012 առ այսօր):

Վայոց Ձորի մարզը հարուստ է բնութեան եւ պատմամշակութային յուշարձաններով:

Դեռեւս վաղ միջնադարում ձեւաւորուծ հայկական եկեղեցական ճարտարապետութիւնը հայոց բազմադարեայ մշակոյթի ինքնատիպ եւ կարե-

¹ Ա. Մալոյեան, Մ. Մակարեան, Օ. Դուդումեան, *Հայաստանի նշանաւոր վանքեր եւ եկեղեցիներ*, Էջմիածին, Մայր Աթոռ Սուրբ Էջմիածնի հրատ., 2020, էջ 154:

որ բնագավառներից է: Հայկական եկեղեցական ճարտարապետության բազմաթիւ կառոյցներ աչքի են ընկնում իրենց իւրօրինակութեամբ, գեղարուեստական հարուստ աւանդների կիրառմամբ ու զարգացմամբ, ներքին ու արտաքին յարդարանքի ինքնատիպ լուծումներով, կառուցողական արուեստի բարձր մակարդակով:

Հայ միջնադարեան եկեղեցական ճարտարապետութեան պատմութեան մէջ, յիշատակ, պատուաւոր տեղ ունի Սիւնեաց ճարտարապետական դպրոցը՝ իր քանքարաշատ ճարտարապետներով, շինարար ու խաչքարագործ վարպետներով: Այս ճարտարապետական դպրոցի ներկայացուցիչները հայ միջնադարեան եկեղեցական ճարտարապետութեան անդաստանում թողել են անմար յիշատակ եւ հայ եկեղեցական ճարտարապետութիւնը հարստացրել գեղակերտ կոթողներով: Սիւնեաց ճարտարապետական դպրոցի եկեղեցական ճարտարապետութեան կառոյցներում ուշագրաւ եւ արժէքաւոր են նաեւ վայոցձորեան յուշարձանները, որոնք լրացնում եւ ամբողջացնում են Սիւնեաց ճարտարապետական դպրոցի յուշարձանահոյլը:

Յօդուածի շրջանակներում կը ներկայացնենք ՀՀ Վայոց Ձորի մարզի նորակառոյց եկեղեցիները (Վայքի Ս. Տրդատ, Մալիշկայի Ս. Աննա, Աղանաձորի Ս. Մարիամ, Մարտիրոսի Ս. Մարիամ Աստուածածին, Գնդեվազի Ս. Եղիշէ, Ելիհնի Ս. Սարգիս, Կեչուտի Ս. Գայիանէ, Ջերմուկի Ս. Գայիանէ, Ռինդի Ս. Մարիամ Աստուածածին)՝ անդրադառնալով վերոյիշեալ եկեղեցիների ճարտարապետական ձեւերին, կառուցման պատմութեանը եւ յարակից այլ հարցերի:

1991ից յետոյ նորանկախ Հայաստանի Հանրապետութիւնում հայկական եկեղեցական ճարտարապետութիւնը վերածնունդ, ապա նաեւ վերելքի նոր շրջան ապրեց: ՀՀ մարզերում եւ քաղաքամայր Երեւանում կառուցուեցին նոր եկեղեցիներ: Անմասն չմնաց նաեւ Վայոց Ձորի մարզը:

ՎԱՅՔԻ Ս. ՏՐԴԱՏ ԵԿԵՂԵՑԻ

Վայքի Ս. Տրդատ եկեղեցին անուանակոչուել է քրիստոնէութիւնը Հայաստանում պետական կրօն հռչակած հայոց մեծագործ արքայ եւ Հայ Առաքելական Եկեղեցու կողմից սրբադասուած Տրդատ Գ. Մեծի պատուին:

Վայքում եկեղեցի կառուցելու ծրագիրը կար դեռեա 1990ից: Հոգելոյս Վազգէն Ա. ամենայն հայոց կաթողիկոսի օրօք կատարուել էր եկեղեցու հիմնարկէքի արարողութիւնը՝ Սիւնեաց թեմի առաջնորդ, Ասողիկ եպիսկոպոս Արիստակէսեանի ձեռքով², սակայն ֆինանսական միջոցների բա-

² «Հաղորդագրութիւն Սիւնեաց թեմից. հիմնարկէք Սուրբ Տրդատ եկեղեցու», *Էջմիածին*, ԺԱ-ԺԲ:1993, էջ 15:

ցակայության պատճառով շինարարական աշխատանքներն ընդհատուել էին: Ս. Տրդատ եկեղեցու շինարարությունը վերսկսուեց 1998ին, ամերիկահայ բարերարներ Գալուստ եւ Էմմա Սողոյեան ամուլի հովանաւորութեամբ: Եկեղեցին կառուցուել է Հայաստանում քրիստոնէութեան ընդունման 1700ամեակի առթիւ: Ճարտարապետը Մայր Աթոռի երկարամեայ (1957-99) գլխաւոր ճարտարապետ Արծրուն (Արծրունի) Գալիկեանն է³: Կառուցման աշխատանքները վերահսկում էր ճարտարապետ Հրաչ Գասպարեանը, այնուհետեւ՝ Ռուբէն Ազատեանը եւ Սուրէն Գաթրճեանը: Ճարտարապետական յօրինուածքով՝ Ս. Տրդատը քառաթեւ կենտրոնազմբէթ եկեղեցի է, ունի մի խորան, որը նուիրուած է Ս. Աստուածածին, փոքր գաւիթ, երկու աւանդատուն եւ փոքրիկ գմբէթներով երկու զանգակատուն: Եկեղեցին լուսաւորում է գմբէթի 12 եւ եկեղեցու 24 լուսամուտների շնորհիւ, բացի դրանցից՝ եկեղեցին լուսաւորում է նաեւ մէկ մեծ եւ չորս փոքր էլեկտրական ջահերով (հեղինակ՝ Լեւոն Պօղոսեան): Ս. Տրդատ եկեղեցին ներսից զարդարուած է չորս մեծ եւ մէկ փոքր սրբապատկերներով (պատկերուած են Տրդատ Գ. թագաւորի մկրտութեան, Յիսուսի Մկրտութեան եւ Յարութեան դրուագները, ինչպէս նաեւ Ս. Գայիանէ եւ Ս. Հռիփսիմէ կոյսերը, եկեղեցու նկարչական ձեւաւորումը կատարել է Ռոբերտ Կարապետեանը)⁴:

Եկեղեցին ունի երեք փայտաշէն դուռ (հեղինակ՝ Տիգրան Զէյթեան): Արեւմտեան դուռը նուիրուած է եկեղեցու բարերար Գալուստ Սողոյեանին եւ կրում է հետեւեալ արձանագրութիւնը. «Դուռս այս յիշատակ է Գալուստ Սողոյեանի»: Հիւսիսային դուռը նուիրուած է լուսահոգի Մեսրոպ արք. Աշճեանին եւ ունի հետեւեալ արձանագրութիւնը. «Դուռս այս յիշատակ է Մեսրոպ արք. Աշճեանի 2000 թ.»։ Եկեղեցու հարաւային դուռը նուիրուած է Էմմա Թապիպեան-Սողոյեանին եւ ունի հետեւեալ՝ «Դուռս այս յիշատակ է Էմմա Թապիպեան-Սողոյեանի 2000 թ.» արձանագրութիւնը:

Եկեղեցու հիւսիսային կողմում գտնուում է մկրտութեան աւազանը, որի վրայ գրուած է. «Կանգնեցաւ Մկրտութեան Աւազանս ի յիշատակ Տօքթ. Ստեփան Թապիպեանի 2000 թ.»:

Ս. Տրդատ եկեղեցու արեւմտեան կողմում՝ կենտրոնական դռան վերեւում, ագուցուած է եկեղեցու կառուցման մասին հետեւեալ արձանագրու-

³ 1957ին երջանկայիշատակ Վազգէն Ա. կաթողիկոսի հրաւերով Գալիկեանը ստանձնել է Ս. Էջմիածնի ճարտարապետի պաշտօնը եւ դարձել 1956ին ստեղծուած Մայր Աթոռի ճարտարապետական յանձնաժողովի անդամ: Նրա նախագծերով կառուցուել են բազմաթիւ հոյաշէն կառոյցներ (Վարազդատ Յարութիւնեան, «Մահ ճարտարապետ Արծրուն Գալիկեանի», *Էջմիածին*, Է-Ը:2004, էջ 181-82):

⁴ «Օծուեց Վայքի Ս. Տրդատ նորակառոյց եկեղեցին», *Էջմիածին*, Ը:2000, էջ 4:

թինը. «Կառուցաւ Ս. Տրդատ եկեղեցիս արդեամբք Գալուստ եւ Էմմայ Սողոյեանների ի Տիթորոյ ՍՄՆ: Ի հայրապետութեանն Տ. Տ. Գարեգնի Ա. կաթողիկոսին ամենայն հայոց եւ նորին յաջորդին Տ. Տ. Գարեգնի Բ. կաթողիկոսին ամենայն հայոց. յառաջնորդութեան Տ. Աբրահամայ եպիսկոպոսին Սինեաց ի փառաւորումն 1700ամեայ տարեդարձին Քրիստոնէութեան Հայոց. ճարտարապետ՝ Ա. Գալիկեան, կառուցող՝ Մ. Մկրտչեան: Ս. Սեղանս կանգնեցաւ ի յիշատակ Փառաւոն Սողոյեանի 2000 թ., կանգնեցաւ Մկրտութեան Աազանս ի յիշատակ Տօքթ. Ստեփան Թապիպեանի 2000 թ.»⁵:

Վայքի Ս. Տրդատ եկեղեցին օծուել է 6 Օգոստոս 2000ին, Գարեգին Բ. ամենայն հայոց կաթողիկոսի ձեռամբ⁶:

Ս. Տրդատ եկեղեցին ունի չորս խորշ, որոնցից մէկում՝ եկեղեցու արեւմտեան դռան ձախ կողմում, տեղադրուած է հայոց Մեծ Եղեռնի զոհերի յիշատակին նուիրուած խաչքար: Եկեղեցին շրջապատուած է պտղատու եւ յարդարանքային ծառերով: Եկեղեցու տարածքում է գտնուում նաեւ Վայոց Ձորի թեմի փոխառաջնորդարանը, որը նոյնպէս կառուցուել է Գալուստ եւ Էմմա Սողոյեանների բարերարութեամբ:

2014 Մայիսի 25ին Վայքի Ս. Տրդատ եկեղեցու բակում կատարուել է Ս. Յարութին խաչքար-յուշակոթողի օծման կարգը⁷: Այդ շատ ինքնատիպ եւ գեղակերտ խաչքար-յուշակոթողն իր մէջ ամփոփում է հայ ժողովրդի հաւաքականութեան, միասնականութեան խորհուրդը եւ ներկայացնում է հայոց պատմութեան տարբեր ժամանակներում ու տարբեր տարածաշրջաններում ստեղծուած խաչքարերի կրկնօրինակներ: Յուշարձանը խորհրդանշում է հայոց միասնութեամբ հայ ազգի բռունցքուելը, բիրտեղացումը, զօրեղացումն ու յաւերժականութիւնը:

Մայիսի 25ին Ս. Տրդատ եկեղեցում նախ մատուցուեց սուրբ եւ անմահ պատարագ: Պատարագիչն էր Վայոց Ձորի թեմի փոխառաջնորդ, Զարեհ վրդ. Կաբաղեանը: Այնուհետեւ կատարուեց խաչքար-յուշակոթողի օծման կարգը, որին ներկայ էին Շիրակի թեմի առաջնորդ, Միքայէլ եպս. Աջապահեանը, Մեծի Տանն Կիլիկիոյ կաթողիկոսութիւնից ուխտատրաբար ՀՀում գտնուող Գեղամ արք. Խաչերեանը, Մայր Աթոռ Ս. Էջմիածնի հո-

⁵ «Վայքի Ս. Տրդատ եկեղեցի»՝

<https://vayotsdzoritem.com/category/%D5%A9%D5%A5%D5%B4%D5%AB-%D5%AC%D6%80%D5%A1%D5%BF%D5%BE%D5%B8%D6%82%D5%A9%D5%B5%D5%A1%D5%B6-%D5%A2%D5%A1%D5%AA%D5%AB%D5%B6/page/352/> մատչում՝ 21.02.2020:

⁶ «Օծուեց Վայքի Ս. Տրդատ նորակառոյց եկեղեցին», *Էջմիածին*, Ը:2000, էջ 3:

⁷ «Ս. Յարութին» խաչքար-յուշակոթողի բացում (25.05.14) Վայոց ձոր (Վայք) Ս. Տրդատ եկեղեցի»՝ <https://www.youtube.com/watch?v=j3yFp3x7n7o> :

գետոր կրթական հաստատությունների վերատեսուչ, Գէորգ եպս. Սարոյեանը, Վայոց Ձորի մարզպետ Էդգար Ղազարեանը, մարզային եւ քաղաքային իշխանությունների ներկայացուցիչներ, քաղաքապետեր եւ համայնքապետեր, ճեմարանի աւարտական լսարանի սաներ, հիւրեր ԱՄՆից, Ռուսաստանի Դաշնությունից, Կանադայից, Արցախից, բազմաթիւ ուխտաւորներ ՀՀ տարբեր մարզերից: Առաջինը թեմակալ առաջնորդ, Աբրահամ եպիսկոպոս Մկրտչեանը սրբալոյս միտոնով օծեց խաչքարը, ապա միա սրբազան հայրերը եւ օծեցին խաչքարը: Օծումից յետոյ նախ օրինութեան խօսքով հանդէս եկաւ թեմակալ առաջնորդ Աբրահամ սրբազանը, հաւաստագիր յանձնեց խաչքար-յուշակոթողի բարերար Գրիգոր Պուշկինի Գրիգորեանին, այնուհետեւ ներկաներին մեկնաբանեց խաչքարի խորհուրդը, որը կանգնեցուած է ազգի օրինութեան եւ պահպանութեան նպատակով: Ապա ելոյթներով հանդէս եկան Գեղամ սրբազանը, մարզպետ Ղազարեանը, Վայքի քաղաքապետ Յարութին Սարգսեանը, կոթողի հեղինակ, քանդակագործ Վարադգատ Յարութինեանը, 2013ին Վայքի Ս. Տրդատ եկեղեցու խաչքար, Ս. Յարութին խաչքար-յուշակոթողի բարերար Գրիգորեանը: Տեղի ունեցաւ նաեւ պատմական գիտությունների դոկտոր, պրոֆեսոր Համլէտ Պետրոսեանի *Խաչքար* գրքի շնորհանդէսը: Գրքի բարերարը եւ Գրիգորեանն էր: Պետրոսեանը հանգամանօրէն ներկայացրեց իր հեղինակած գործը, որի բազում օրինակներ նուիրուեցին եկեղեցու բակում հաւաքուածներին:

Վայքի Ս. Տրդատ եկեղեցու ուխտի օրը եկեղեցու օծման օրն է՝ Օգոստոսի 6ը, ինչպէս նաեւ Հոգեգալստեան 5րդ Կիրակին նախորդող Շաբաթ օրը, երբ Հայոց եկեղեցին նշում է Ս. Տրդատ թագաւորի, Ս. Աշխէն թագուհու եւ Ս. Խոսրովի դուխտ կոյսի յիշատակը:

ՋԵՐՄՈՒԿԻ Ս. ԳԱՅԻԱՆԷ ԵԿԵՂԵՑԻ

Ջերմուկի Ս. Գայիանէ եկեղեցին կառուցուել է 2007ին՝ ՀՀ ազգային ժողովի պատգամաւոր, գործարար, «Ջերմուկ Գրուպ» ընկերութեան սեփականատէր, ծնունդով գնդեվազցի Աշոտ Արսէնեանի⁸ եւ Արսէնեան եղբայրների հովանաւորութեամբ: Եկեղեցու հիմնարկէքը կատարուել էր դեռեւս 1999 Մայիսի 15ին⁹: Ս. Գայիանէ եկեղեցու հիմնարկէքը՝ 16 քարերը օրինելու եւ օծելու հանդիսաւոր արարողութիւնը, կատարել էին Սիւնեաց թեմի առաջնորդ, Աբրահամ եպիսկոպոս Մկրտչեանը, Երուսաղէմի հայոց

⁸ «Գարեգին Բ. ամենայն հայոց կաթողիկոսի կոնդակը Աշոտ Արսէնեանին «Ս. Գրիգոր Լուսաւորիչ» շքանշանով պարգեւատրելու մասին», *Էջմիածին*, ԺԱ:2007, էջ 65-66:

⁹ Բորիս Քոչարեան, «Ջերմուկում հիմքը դրուեց նոր եկեղեցու», *Էջմիածին*, Ե-2:1999, էջ 151:

պատրիարք, Թորգոմ արք. Մանուկեանը, Եգիպտոսի հայոց թեմի առաջնորդ, Զաւէն արք. Չինչինեանը, Արգենտինայի հայոց թեմի առաջնորդ, Գիսակ արք. Մուրադեանը: Ս. Գայիանէ եկեղեցին օծուել է 2007 Նոյեմբերի 17ին՝ Գարեգին Բ. ամենայն հայոց կաթողիկոսի հանդիսապետութեամբ¹⁰:

Ս. Գայիանէ եկեղեցին կառուցուել է ճարտարապետ Սամուէլ Աղաջանեանի նախագծով: Եկեղեցին պարզ գմբէթաւոր փոքրիկ կառոյց է, ունի մէկ խորան, մկրտութեան աւազան, երկու ամանդատուն, երկու փայտաշէն դռներ՝ արեւմտեան եւ հարաւային կողմերում: Եկեղեցին լուսաւորում է գմբէթի 12 եւ եկեղեցու 8 նեղ ու փոքրիկ լուսամուտների ու մէկ մեծ ջահի շնորհիւ: Եկեղեցին ներսից զարդարուած է վեց մեծ սրբապատկերներով (Քրիստոսի խաչելութեան, հայոց դարձի, Աստուածածնի եւ Ս. Գայիանէ կոյսի պատկերներ): Գմբէթի վեղարի ու չորս սիւների միջեւ պատկերուած են չորս անտարանիչների որմնանկարները, իսկ գմբէթի մէջ գրուած է. «Փառք Քեզ Տեր Աստուած մեր, որ լսեցիր մեր աղօթքը»¹¹:

ԿԵՂՈՒՏԻ ՍՈՒՐԲ ԳԱՅԻԱՆԷ ՄԱՏՈՒՌ

Ջերմուկ քաղաքի վարչական սահմանների մէջ ներառուած Կեչուտ գիւղում՝ հենց ջրամբարի ափին, 2007ին կառուցուել է մատուռ՝ Ս. Գայիանէ, որն օծուել է Գարեգին Բ. ամենայն հայոց կաթողիկոսի ձեռքով Նոյեմբերի 17ին¹², այսինքն, հենց այն նոյն օրը, երբ օծուել է Ջերմուկի նոյնանուն եկեղեցին: Ս. Գայիանէ մատուռը գմբէթաւոր է, ունի մէկ խորան, մկրտութեան աւազան: Մուտքն արեւմտեան կողմից է: Մատուռը լուսաւորում է 9 փոքրիկ լուսամուտների շնորհիւ: Մատուռի օծման արարողութիւնից յետոյ հայոց կաթողիկոսը մեկնել է Ջերմուկ, ապա եւ կատարել Ջերմուկի Ս. Գայիանէ եկեղեցու օծման արարողութիւնը: Ս. Գայիանէ մատուռը կառուցուել է ճարտարապետ Լեւոն Օհանեանի նախագծով, կառու-

¹⁰ «Ամենայն հայոց կաթողիկոսը օծեց Ջերմուկի Ս. Գայիանէ եկեղեցին», *Էջմիածին*, ԺԱ:2007, էջ 150:

¹¹<https://vayotsdzoritem.com/2012/11/03/%D5%BB%D5%A5%D6%80%D5%B4%D5%B8%D6%82%D5%AF%D5%AB-%D5%BD%D5%B8%D6%82%D6%80%D5%A2-%D5%A3%D5%A1%D5%B5%D5%A1%D5%B6%D5%A5-%D5%A5%D5%AF%D5%A5%D5%B2%D5%A5%D6%81%D5%AB-2/> մատչում՝ 03.03.2020:

¹² «Ամենայն հայոց կաթողիկոսը օծեց Ջերմուկի Ս. Գայիանէ եկեղեցին», *Էջմիածին*, ԺԱ:2007, էջ 150. նաեւ՝

<https://vayotsdzoritem.com/2012/09/15/%D5%AF%D5%A5%D5%B9%D5%B8%D6%82%D5%BF%D5%AB-%D5%BD%D5%B8%D6%82%D6%80%D5%A2-%D5%A3%D5%A1%D5%B5%D5%A1%D5%B6%D5%A5-%D5%B4%D5%A1%D5%BF%D5%B8%D6%82%D5%BC/> մատչում՝ 03.03.2020:

ցող վարպետը Եուրի Առաքելեանն է, Մատուռի կառուցման հովանաւորը՝ Ալիկ Յովհաննիսեանը¹³:

Ջերմուկի Ս. Գալիանէ եկեղեցու եւ Կեչուտի Ս. Գալիանէ մատուռի ուխտի օրերն են՝ օծման օրը՝ Նոյեմբերի 17ը եւ Ս. Գալիանէ կոյսի յիշատակման օրը, որը Հայ Առաքելական Եկեղեցին տօնում է Կաթողիկէ Ս. Էջմիածնի տօնի¹⁴ նախընթաց Երեքշաբթի օրը:

ՄԱԼԻՇԿԱՅԻ Ս. ԱՆՆԱ ԵԿԵՂԵՑԻ

Վայոց Ձորի մարզի նորակառոյց եկեղեցիներից է Մալիշկա գիւղի Ս. Աննա եկեղեցին: Ս. Աննա եկեղեցու կառուցումը հովանաւորել է հայ գործարար, «Ռուսաստանի հայերի միութիւն» ՀԿի նախագահ Արա Աբրահամեանը¹⁵: Բարձունքին փառահեղ բազմած նորակառոյց եկեղեցու հիմնարկէքը կատարուել է 1997ին: Բազալտակերտ եկեղեցին կառուցուել է ճարտարապետ Արծրուն Գալիկեանի նախագծով: Ս. Աննա եկեղեցին միախորան կենտրոնագմբէթ քառաթեւ կառոյց է՝ զոյգ աւանդատներով, որոնցից մէկը մոմավառութեան համար է օգտագործում: Ունի երկու մուտք՝ եկեղեցու արեւելեան ու հարաւային կողմերից:

Ս. Աննա եկեղեցին ներսից գրեթէ ամբողջովին զարդարուած է որմնանկարներով: Խորանի վերեւում՝ պատի վրայ, պատկերուած է Ս. Հոգու աղանակերպ էջքի տեսարանը, իսկ գմբէթը պահող չորս կամարների անկիւններում պատկերուած են Մատթէոս, Մարկոս, Դուկաս եւ Յովհաննէս աւետարանիչները: Եկեղեցու պատերը զարդարում են Քրիստոսի ծնունդը, մկրտութիւնը, խաչելութիւնը, հրեշտակի կողմից Քրիստոսի յարութեան աւետումը, ինչպէս նաեւ Թադէոս եւ Բարթոլոմէոս առաքելներին, հայոց դարձը, գրերի գիտը եւ Լուսաւորչի տեսիլքը պատկերող որմնանկարները: Եկեղեցու ներքին յարդարանքին առանձնակի շուք է հաղորդում Աստուածածնի մօր՝ սուրբ Աննայի որմնանկարը:

Եկեղեցին լուսաւորում է գմբէթի ութ եւ եկեղեցու երեսուն լուսամուտների, ինչպէս նաեւ հինգ էլեկտրական ջահերի շնորհիւ:

¹³<https://vayotsdzoritem.com/2012/09/15/%D5%AF%D5%A5%D5%B9%D5%B8%D6%82%D5%BF%D5%AB-%D5%BD%D5%B8%D6%82%D6%80%D5%A2-%D5%A3%D5%A1%D5%B5%D5%A1%D5%B6%D5%A5-%D5%B4%D5%A1%D5%BF%D5%B8%D6%82%D5%BC/> առ 03.03.2020

¹⁴ Կաթողիկէ Ս. Էջմիածնի տօնը նուիրում է Ս. Էջմիածնի Մայր տաճարի հիմնադրմանը եւ նշում է Ս. Յարութեան տօնից՝ Զատիկից, 9 շաբաթ (63 օր) յետոյ կամ Հոգեգալստեան Կիրակիին յաջորդող երկրորդ Կիրակի օրը:

¹⁵ «Ձեռամբ վեհափառ հայրապետի օծուեց Մալիշկայի Ս. Աննա եկեղեցին», *Էջմիածին*, ԺԱ:2000, էջ 55:

Մալիշկայի Ս. Աննա եկեղեցու օծման հանդիսաւոր արարողութիւնը կատարուել է 2000 Նոյեմբերի 4ին ձեռամբ Գարեգին Բ. ամենայն հայոց կաթողիկոսի եւ սրբազան հայրերի: Արարողութեանը մասնակցելու նպատակով Մալիշկա էին ժամանել ՀՀ ԱԺ նախագահ Արմէն Խաչատրեանը, Երեւանի քաղաքապետ Ալբերտ Բազէեանը, «Ռուսաստանի հայերի միութեան» պատուիրակութիւնը, ՌԴ պետդումայի փոխխօսնակ Արթուր Չիլինգարովը, մեծաթիւ հիւրեր ու բազմահազար ժողովուրդ:

Վեհափառ հայրապետը Ս. Աննա եկեղեցուն նուիրել է Ս. Հոգու խորհրդանիշ միտոնաթափ աղանի: Սրբազան արարողութեան աւարտին կատարուել է մկրտութիւն: Եկեղեցու բակում կատարուել է նաեւ ծառատունկ, որը կազմակերպել էր «Հայաստան-ծառ» ամերիկահայ կազմակերպութիւնը¹⁶:

Ս. Աննա եկեղեցին շրջապատուած է պտղատու եւ յարդարանքային ծառերով: Եկեղեցու բակում կանգնեցուած է հայ եւ ռուս ժողովուրդների բարեկամութիւնը յաւերժացնող աղբիւր-յուշարձան՝ հայերէն եւ ռուսերէն արձանագրութեամբ:

Եկեղեցու տարածքում գործում է հայ եւ ռուս ժողովուրդների բարեկամութեան թանգարանը:

Մալիշկա գիւղի Ս. Աննա եկեղեցու անուանակոչութեան օրը նշում է Աստուածամօր ծնողների եւ իւղաբեր կանանց յիշատակութեան օրը¹⁷, մատուցում է սուրբ պատարագ:

ԱՂԱԽԱԶՈՐԻ Ս. ԱՍՏՈՒԱԾԱԾԻՆ ԵԿԵՂԵՑԻ

Վայոց Ձորի մարզի յաջորդ նորակառոյց քրիստոնէական պաշտամունքային կառոյցը Աղանաձոր գիւղի Ս. Աստուածածին եկեղեցին է:

Աղանաձորի Ս. Աստուածածին եկեղեցու կառուցման նախաձեռնողը Մոսկուաբնակ աղանաձորցի գործարար Մուրադ Սարգսեանն է: Եկեղեցու հիմնարկէքը 2000 Փետրուարին կատարել է Սիւնեաց թեմի առաջնորդ, Աբրահամ եպս. Մկրտչեանը¹⁸: Գիւղի բարձունքին վեհօրէն բազմած Ս. Աստուածածին եկեղեցին քառաթեւ կենտրոնազմբէթ փոքրածաւալ կառոյց է: Եկեղեցու ճարտարապետը Սարգիս Գուրզադեանն է:

Եկեղեցու օծման արարողութիւնը կատարուել է Գարեգին Բ. ամենայն հայոց կաթողիկոսի հանդիսապետութեամբ 2001 Յուլիսի 7ին: Այդ օրը

¹⁶ Նոյն:

¹⁷ Հայ Առաքելական Եկեղեցին Աստուածածնի ծնողների՝ Յովակիմի եւ Աննայի յիշատակը տօնում է իւղաբեր կանանց հետ՝ Ս. Աստուածածնի վերափոխման իննօրեակին անմիջապէս յաջորդող Երեքշաբթի օրը:

¹⁸ «Աղանաձորում օծուեց Ս. Աստուածածին մատուռը», *Էջմիածին*, 2-է:2001, էջ 32:

սրբալոյս միտոնով նախ օծուեց եկեղեցու գմբէթին տեղադրուած խաչը, ապա վեհափառ հայրապետի հանդիսապետութեամբ աղօթքի եւ շարականների երգեցողութեամբ կատարուեց նաեւ եկեղեցու խորանին տեղադրուած խաչքարի օծումը:

Եկեղեցու օծման արարողությունից յետոյ տեղի ունեցաւ տօնախմբութիւն, որի ընթացքում ներկաներին շնորհատրանքի խօսքեր ասաց նաակատիքի առթիւ Աղանաճոր ժամանած ՀՀ ԱԺ նախագահ Արմէն Խաչատրեանը, ապա Սիւնեաց թեմի առաջնորդ Արրահամ եպս. Մկրտչեանը, Վայոց Ձորի մարզպետ Պանդուխտ Մանուկեանը, Ռուսաստանի հայերի միութեան անունից՝ Սեդա Վերմիշեանը եւ ուրիշներ¹⁹:

ՄԱՐՏԻՐՈՍԻ Ա. ՄԱՐԻԱՄ ԱՍՏՈՒԱԾԱԾԻՆ ԵԿԵՂԵՑԻ

Վայոց Ձորի մարզի նորակառոյց եկեղեցիներից է Մարտիրոս գիւղի Ս. Մարիամ Աստուածածին եկեղեցին, որը գտնւում է 1866ին կառուցուած Ս. Աստուածածին (յայտնի է նաեւ «Ս. Երրորդդպփն Երկրորդ Երուսաղէմ» կամ «Ս. Վկայարան Երկրորդ Երուսաղէմ» անուններով) բազիլիկ եկեղեցու բակում: Կառուցուել է ամերիկաբնակ Թագուի Չիլեանի հովանաւորութեամբ²⁰: Նորակառոյց եկեղեցին օծուել է 2004ին:

ԳՆԴԵՎԱԶԻ Ս. ԵՂԻՇԷ ՄԱՏՈՒՌ

Վայոց Ձորի մարզի նորակառույց քրիստոնեական պաշտամունքային կառույցներից է Գնդեվազի Ս. Եղիշէ մատուռը: Այն կառուցուել է ճարտարապետ Սամուել Աղաջանեանի նախագծով եւ Սամուել Արսէնեանի բարերարութեամբ:

Ս. Եղիշէ մատուոյի օրինութեան կարգը 2013 Սեպտեմբերի 13ին կատարել են Զերմուկի տարածաշրջանի հոգեւոր հովիւ, Գալուստ քահանայ Սահակեանը եւ Վայքի տարածաշրջանի հոգեւոր հովիւ, արժանապատիւ Մարտիրոս աւագ քահանայ Աւետիսեանը՝ Գազիկ սարկաւագ Յակոբեանի սպասաւորութեամբ: Օրինութեան արարողութիւնը նախագահում էր Վայոց Ձորի թեմի փոխառաջնորդ, Զարեհ վրդ. Կաբաղեանը²¹:

¹⁹ Երկին:

²⁰ Հովանատրի եւ եկեղեցու կառուցման հանգամանքների մասին մանրամասն տե՛ս՝ «Նուիրաբերուելը փրկուփին է», *Բնօրրան*, 1-3(14-16):2001-2003, էջ 240 կամ <http://bnorran.am/?p=466> մատչում՝ 21.02.2020. նաեւ՝ «Եւս մի կոթողը՝ <https://www.aravot.am/2001/06/20/791889/> մատչում՝ 21.02.2020:

²¹ «Աբ. Եղիշէ մատուռի օրհնութիւնը Գնդեպագ գիւղում»՝

<https://vayotsdzoritem.com/2013/09/13/%D5%BD%D5%A2-%D5%A5%D5%B2%D5%AB%D5%B7%D5%A5-%D5%B4%D5%A1%D5%BF%D5%B8%D6%82%D5%BC%D5%AB->

ԵԼՓԻՆԻ Ս. ՍԱՐԳԻՍ ԵԿԵՂԵՑԻ

Մարզի նորակառոյց եկեղեցիներից է Ելփին գիւղում կառուցուած Ս. Սարգիս եկեղեցին: Այն նախագծել է ճարտարապետ Սամուէլ Աղաջան-եանը, իսկ կառուցումը նախաձեռնել եւ հովանաւորել է ծնունդով Ելփինցի գործարար, բարերար Սամուէլ Աւետիսեանը, որը բնակւում է Ռուսաստանի Նախողկա քաղաքում: 2005ին կառուցուած եկեղեցու օծումը կատարուել է 2006ին²²:

ՌԻՆՂԻ Ս. ՄԱՐԻԱՄ ԱՍՏՈՒԱԾԱԾԻՆ ԵԿԵՂԵՑԻ

Վայոց Ձորի մարզի նորակառոյց եկեղեցիներից է Ռինղի Ս. Մարիամ Աստուածածին եկեղեցին: Եկեղեցու հիմնարկէքի հանդիսաւոր արարողութիւնը կատարուել է 2014 Ապրիլի 28ին: Այդ օրը Վայոց Ձորի թեմի առաջնորդ, Աբրահամ արք. Մկրտչեանի ձեռամբ սրբալոյս միւռոնով օծուեցին եւ Ս. Մարիամ Աստուածածին եկեղեցու հիմքում տեղադրուեցին տասնվեց վիմաքարերը:

Յաւարտ հիմնարկէքի արարողութեան ներկայացուեց համերգային ծրագիր, ելոյթ ունեցան երգի ու պարի համոյթներ: Ներկաներին ուղղուած խօսքով հանդէս եկան ՀՀ Վայոց Ձորի մարզպետ Էդգար Ղազարեանը, Ռինղի համայնքապետ Յուսիկ Սահակեանը, եկեղեցու բարերար Վարդան Սարգսեանը եւ իր մայրը՝ Ռինղի միջնակարգ դպրոցի վաստակաշատ ուսուցչուհի Ռոզա Կարապետեանը²³: Բացի եկեղեցու կառուցման

%D6%85%D6%80%D5%B0%D5%B6%D5%B8%D6%82%D5%A9%D5%B5%D5%B8%D6%82%D5%B6%D5%A8-%D5%A3%D5%B6%D5%A4%D5%A5%D5%BE%D5%A1/,
<http://blog.ecolur.org/2013/09/%D5%BD%D5%A2-%D5%A5%D5%B2%D5%AB%D5%B7%D5%A5-%D5%B4%D5%A1%D5%BF%D5%B8%D6%82%D5%BC%D5%AB-%D6%85%D6%80%D5%B0%D5%B6%D5%B8%D6%82%D5%A9%D5%B5%D5%B8%D6%82%D5%B6%D5%A8-%D5%A3%D5%B6%D5%A4%D5%A5%D5%BE%D5%A1/>
մատչում՝ 21.02.2020:

²² «Վայոցձորցի գործարարները եկեղեցիներ ու մատուռներ են կառուցում»՝ <https://hetq.am/hy/article/67651> մատչում 21.02.2020:

²³ «ՀՀ Վայոց Ձորի մարզպետը մասնակցեց Ռինղ համայնքում կոռուցուելիք եկեղեցու հիմնարկեքին»՝ <http://vdzor.mtad.am/news/item/2014/04/28/491/> մատչում՝ 27.10.2021. նաեւ՝ Սիրան Սարգսեան, «Եկեղեցու հիմնարկէքի օրհնութեան կարգ Ռինղ համայնքում»՝

[https://vayotsdzoritem.wordpress.com/2014/04/28/%d5%a5%d5%af%d5%a5%d5%b2%d5%a5%d6%81%d5%b8%d6%82-%d5%b0%d5%ab%d5%b4%d5%b6%d5%a1%d6%80%d5%af%d5%a5%d6%84%d5%ab-](https://vayotsdzoritem.wordpress.com/2014/04/28/%d5%a5%d5%af%d5%a5%d5%b2%d5%a5%d6%81%d5%b8%d6%82-%d5%b0%d5%ab%d5%b4%d5%b6%d5%a1%d6%80%d5%af%d5%a5%d6%84%d5%ab-584)

հիմնական բարերարից՝ Ռինդ համայնքի ղեկավար Սահակեանի ջանքերով համայնքի բնակչությունը դրամահալարի միջոցով, ինչպես նաև տեղացի գործարար Սահակ Սարգսեանը, նոյնպես մասնակցել են եկեղեցու կառուցման աստուածահաճոյ գործին:

Ռինդի Ս. Մարիամ Աստուածածին եկեղեցու օծման հանդիսատիս արարողությունը կատարուել է 2021 Սեպտեմբերի 13ին, ձեռամբ Վայոց Ձորի թեմի բարեխնամ առաջնորդ, Աբրահամ արք. Մկրտչեանի: Հանդիսատի արարողութեան աւարտին սրբազան հայրը Ռինդի բնակիչներին, եկեղեցու բարերարներին ու ներկաներին փոխանցեց ամենայն հայոց կաթողիկոս Գարեգին Բ.ի հայրապետական օրհնությունը: Եկեղեցու նաւակատեաց հանդէսին ներկայ էին Վայոց Ձորի մարզպետ Արարատ Գրիգորեանը, Արենի համայնքի ղեկավար Յուսիկ Սահակեանը, եկեղեցու կառուցման հովանաւորներ, բարերարներ Վարդան եւ Սահակ Սարգսեանները, մեծաթիւ հիւրեր: Այնուհետեւ հանդիսութիւնը շարունակուեց երգիչներ Աղասի Իսպիրեանի եւ Գոհար Յովհաննիսեանի, ինչպէս նաեւ համայնքի շնորհալի երեխաների գեղեցիկ երաժշտական ու պարային կատարումներով²⁴:

Վայոց Ձորի մարզի նորակերտ եկեղեցիները հիմնականում կառուցուել են տեղական շինանիւթով՝ տուֆ, բազալտ, աւազաքար, համայնքների կենտրոնական կամ շրջապատի նկատմամբ իշխող բարձրադիր ու ազդու տեղանքում: Եկեղեցիների հիւրընկալ դռները միշտ բաց են ցերեկուայ ժամերին, գոցում են երեկոյեան: Նորակառոյց եկեղեցիներից մնալուն քահանայ ունեցող եկեղեցիներն են. Վայքի Ս. Տրդատ եւ Ջերմուկի Ս. Գայիանէ եկեղեցիները, որտեղ որպէս խորհրդակատար հոգեւորականներ քահանայագործում են համապատասխանաբար Սեպուհ քինյ. Յարութիւնեանը եւ Գալուստ քինյ. Սահակեանը: Մարզի հաւատաւոր բնակչութեան հոգեւոր պահանջմունքների գոհացման եւ համայնքների հոգեւորմշակութային ու հասարակական կեանքի զարգացման գործում իրենց գնահատելի ներդրումն են ունեցել Եղէգնաձորի Ս. Աստուածածին եկեղեցու եւ Եղէգնաձորի տարածաշրջանի հոգեւոր հովիւ արժանապատիւ

%d6%85%d6%80%d5%b0%d5%b6%d5%b8%d6%82%d5%a9%d5%b5%d5%a1%d5%b6-%d5%af%d5%a1%d6%80%d5%a3/ մատչում՝ 27.10.2021:

²⁴ «Նորակառոյց Սուրբ Մարիամ Աստուածածին եկեղեցու օծման արարողութիւնը Ռինդ բնակավայրում»՝ <http://vdzor.mtad.am/news/item/2021/09/13/4416/> մատչում՝ 27.10.2021. նաեւ՝ «Դարեր շարունակ հայ ժողովուրդը յաղթել է զէնքով ու հաւատով՝ Ռինդում կայացաւ նորակառոյց Սուրբ Մարիամ Աստուածածին եկեղեցու օծման արարողութիւնը»՝ <https://www.aravot.am/2021/09/14/1215422/> մատչում՝ 27.10.2021:

Վազգէն քինյ. Յովհաննիսեանը (այժմ՝ Օշականի Ս. Մեսրոպ Մաշտոց եկեղեցու հոգեւոր հովիւ), Եղեգնաձորի Ս. Աստուածածին եկեղեցու ծիսակատար քահանաներ Ներսէս քինյ. Աշուղբաբեանը, Յովհաննէս քինյ. Մաթեոսեանը (նաեւ՝ Խաչիկ համայնքի հոգեւոր հովիւ եւ ՀՀ զինուած ուժերի գնդերէց), Նորավանքի հոգեւոր հովիւ ու վանահայր Զարեհ վրդ. Կաբաղեանը, Նորավանքի խորհրդակատար քինյ. Ներսէս քինյ. Արշակեանը: Ինչպէս նշեցինք, Վայոց Ձորի թեմի վերոյիշեալ եւ նրանցից առաջ քահանայագործած Հայ Առաքելական եկեղեցու հոգեւորականները (Կոմիտաս քինյ. Տիգրանեան, Սահակ քինյ. Մարտիրոսեան եւ այլք) ներգրաւուած են եղել ու իրենց գործուն մասնակցութիւնն են ունեցել մարզի հասարակական ու ներհամայնքային կեանքի տարբեր ոլորտներում իրականացուած աշխատանքներին, ինչպէս օրինակ՝ դեռեւս 2012 Հոկտեմբերին ՀՀ ամբողջ տարածքում, նաեւ Վայոց Ձորի մարզի մի շարք դպրոցներում անցկացուած հայոց գրերի գիտին, թարգմանչութեանը եւ հայ տպագրութեան 500ամեակին նուիրուած միջոցառումներ, որոնց մասնակցում էին նաեւ Վայոց Ձորի թեմի հոգեւորականները²⁵:

Մարզում կազմակերպուող շատ ազդեցիկ, տպաւորիչ ու գեղեցիկ միջոցառումներից են հայոց յաղթանակներին ու ազատամարտերին, հայ հերոսներին նուիրուած միջոցառումները: Այդպիսի մի միջոցառում էլ կազմակերպուել էր Զերմուկի առաջին դպրոցում՝ նուիրուած արցախեան ազատագրական պայքարի ընթացքում զոհուած ջերմուկցի ազատամարտիկների յիշատակին²⁶:

Զերմուկում վերջին տարիներին մի շատ գողտրիկ աւանդույթ է ձեւաւորուել, երբ համայնքից ու շրջակայ գիւղերից բանակ զօրակոչուող զինակոչիկները Զերմուկի Ս. Գայիանէ եկեղեցում Գալուստ քահանայի ձեռամբ

²⁵ Տէր Գալուստ քահանայ Սահակեան, «Գրից մինչեւ գիրք. միջոցառում Զերմուկի 1-ին հիմնական դպրոցում»՝

<https://vayotsdzoritem.wordpress.com/2012/11/29/%d5%a3%d6%80%d5%ab%d6%81-%d5%b4%d5%ab%d5%b6%d5%b9%d5%a5%d5%be-%d5%a3%d5%ab%d6%80%d6%84-%d5%b4%d5%ab%d5%bb%d5%b8%d6%81%d5%a1%d5%bc%d5%b8%d6%82%d5%b4-%d5%bb%d5%a5%d6%80%d5%b4%d5%b8%d6%82%d5%af%d5%ab-1/> մատչում՝ 30.07.2022:

²⁶ Սիրան Սարգսեան, «Ձոհուած ազատամարտիկներին նուիրուած միջոցառում Զերմուկի 1-ին դպրոցում»՝

<http://armchurch.info/diocese/%D5%A6%D5%B8%D5%B0%D5%BE%D5%A1%D5%AE-%D5%A1%D5%A6%D5%A1%D5%BF%D5%A1%D5%B4%D5%A1%D6%80%D5%BF%D5%AB%D5%AF%D5%B6%D5%A5%D6%80%D5%AB%D5%B6-%D5%B6%D5%BE%D5%AB%D6%80%D5%BE%D5%A1%D5%AE-%D5%B4%D5%AB%D5%BB/> մատչում՝ 30.07.2022:

Աստծոյ օրհնութիւնը ստանալուց յետոյ են մեկնում հայոց բանակ ծառայութեան՝ համալրելով հայրենիքի պաշտպանների կուռ շարքերը: Այդ օրը, ծեաւորուած աւանդոյթի համաձայն, նորակոչիկներին նուիրում են օրհնուած խաչեր եւ աղօթագրքեր: Նորակոչիկներին իրենց շնորհաւորանքի եւ բարի ծառայութեան մաղթանքի խօսքերն են յղում նաեւ համայնքի բնակիչները, ծնողները, վետերանները, ոստիկանութեան ներկայացուցիչներն ու դպրոցականները²⁷:

Բանակ-հասարակութիւն կապն ամրապնդելու շրջանակներում յաճախակի են կազմակերպուած զինուոր-ծնող հանդիպումներ:

Այդպիսի մի հանդիպում էլ 2015 Նոյեմբերի 5ին Արարատի մարզպետարանում էր կազմակերպուել, որի ընթացքում կայացաւ ՀՀ պաշտպանութեան նախարարութեան 4րդ բանակային զօրամիւտրման 21 զինուորների հանդիպումը իրենց ծնողների հետ, որտեղ պահպանիչ աղօթք կարդաց միւտրման հոգեւոր սպասաւոր Գալուստ քհնյ. Սահակեանը²⁸:

Եկեղեցի-հասարակութիւն սերտ յարաբերութիւնների իւրօրինակ դրսեւորումներից է ՀՀ բանակի մարտիկների համար կազմակերպուող հոգեւոր-հայրենասիրական թեմաներով զրոյցներն ու քննարկումները: Այդպիսի ուսանելի օրինակ է ՀՀ զինուած ուժերի 4րդ զօրամիւտրման աւագ գնդերէց Գալուստ քհնյ. Սահակեանի կարդացած դասախօսութիւնը հայոց բանակի կին զինծառայողների համար²⁹:

Հայոց բանակին Հայաստանում եւ Արցախում իրենց նուիրեալ ծառայութիւնը բերած նախկին ու ներկայ գնդերէցների սխրանքն անգնահատելի չի մնացել: Նրանց յայտնել են երախտագիտութիւն՝ յորդորելով նոյն ոգով շարունակելու իրականացնել իրենց հոգեխնամ սպասաւորութիւնն այս ծանրագոյն պայմաններում, երբ շարունակելու են սփոփել զոհուածների հարազատներին, ոգեւորելու են վիրաւորներին եւ անդադար աղօթքով հայցելու են Տիրոջից՝ գերեվարուած հայորդիների շուտափոյթ վերադարձը: Լեռնային Ղարաբաղի պաշտպանութեան նախարարի հրամանով Արցախի Հանրապետութիւնում ծաւալուած պատերազմական գործողութիւններին գործուն մասնակցելու համար 2021 Յունուարին մի շարք եկե-

²⁷ «Ջերմուկից ծառայութեան մեկնեց նորակոչիկների հերթական խումբը»՝ <https://blognews.am/arm/news/335699/jermukic-tsarayutyan-meknec-norakochikneri-hertakan-khumby-fotoreportazh.html> մատչում՝ 30.07.2022:

²⁸ «Կայացաւ զինուոր-ծնող հերթական հանդիպումը»՝ <https://m.shamshyan.com/hy/article/2015/11/06/69699/> մատչում՝ 30.07.2022:

²⁹ «4րդ զօրամիւտրման աւագ գնդերէց Տէր Գալուստ քահանայ Սահակեանը դասախօսութիւն է անցկացրել կին զինծառայողների համար»՝ <https://mil.am/hy/news/8255?fbclid=IwAR2DtW-0Cbnc9dwEtI6XLJOOCi-1JJIZ1Gd23f8D3xkS9aRZqGiy5ZASU1ss> մատչում՝ 30.07.2022:

ղեցականներ արժանացան նախարարութեան պարգեւների, որոնց թում նաեւ աւագ գնդերէց Գալուստ քինյ. Սահակեանը պարգեւատրուեց «Անդրանիկ Օգանեան» մեդալով³⁰:

Վայոց Ձորի թեմի հոգեւորականությունն իր գնահատելի գործունեութեամբ մասնակցել է Սուրբ Էջմիածնի եւ Վայոց Ձորի թեմի իրականացրած բարեգործական, մարդասիրական միջոցառումներին (յատկապէս՝ 2020–21ին): Նմանօրինակ միջոցառումներից էին Գլաձոր համայնքի անապահով ընտանիքներին եւ Եղեգնաձորի ցերեկային խնամքի կենտրոնի սաների ընտանիքներին տրամադրուած նիւթական-պարենային աջակցութիւնը, Վայոց Ձորի թեմի առաջնորդ Աբրահամ արք.ի նախաձեռնութեամբ եւ օրինութեամբ ու բարերար տիկին Դիանա Հաճէթեանի նիւթական օժանդակութեամբ, Նորավանքի ուխտի օրուան ընդառաջ, Եղեգնաձորի բժշկական կենտրոնի 23 աշխատակիցների եւ մարզի անապահով 27 ընտանիքներին տրուած սննդի ծանրոցները: Առաջնորդ սրբազան հօր կողմից Եղեգնաձորի բժշկական կենտրոնի բոլոր հիւանդասենեակների համար նուիրաբերուել են սրբապատկերներ, իսկ այդ պահին հիւանդանոցում բուժուող հիւանդներին՝ Աստուածաշունչ: Թեմի կողմից տրուող մարդասիրական հերթական օգնութիւնն է բաժանուել Եղեգնաձորի տարածաշրջանի հոգեւոր հովիւ Վազգէն քինյ. Յովհաննիսեանի եւ թեմի Երիտասարդաց միութեան ատենապետ բարեշնորհ Գագիկ սարկաւազ Յակոբեանի ձեռքով:

Մայր Աթոռ Սուրբ Էջմիածինը եւ Վայոց Ձորի թեմը, համագործակցելով Վայոց Ձորի մարզպետարանի եւ մարզի 8 համայնքների (6ը՝ խոշորացուած) հետ, կորոնավիրուսի հետեւանքով ստեղծուած իրավիճակը յաղթահարելու նպատակով մարզի կարիքատուր, 4 եւ աւելի անչափահաս երեխաներ ունեցող բազմազաւակ ընտանիքներին ցուցաբերել է պարենային օգնութիւն³¹:

³⁰ «Բանակի օրուայ առիթով կատարուեց հանրապետական մաղթանք»՝ <https://hetq.am/hy/article/126834> . նաեւ՝ «Հանրապետական մաղթանք՝ բանակի օրուայ առիթով. Գարեգին Բ.ն «Սուրբ Ներսէս Շնորհալի» շքանշան յանձնեց մի շարք զինուորականների»՝ <https://news.am/arm/news/626124.html> մատչում՝ 30.07.2022:

³¹ Աւելի մանրամասն տե՛ս՝ <https://vayotsdzoritem.wordpress.com/category/%d5%a5%d5%b2%d5%a5%d5%a3%d5%b6%d5%a1%d5%b1%d5%b8%d6%80%d5%ab-%d5%bf%d5%a1%d6%80%d5%a1%d5%ae%d5%a1%d5%b7%d6%80%d5%bb%d5%a1%d5%b6%d5%ab-%d5%b0%d5%b8%d5%a3%d6%87%d5%b8%d6%80-%d5%b0%d5%b8%d5%be%d5%ab/> մատչում՝ 30.07.2022:

Սահմանափակ խաչիկ բնակավայրին Հայ Առաքելական Եկեղեցու Վայոց Ձորի թեմը բարեգործական ձեռնարկումների շրջանակում տրամադրել է 3 տոննա գարու սերմացու: Խաչիկցիներին գարու սերմացուի տրամադրումը Վայոց Ձորի մարզում կորոնավիրուսի հետեանքները մեղմելուն ուղղում հերթական թիրախային օժանդակություն էր, որն իրականացուել է թեմի առաջնորդ, Աբրահամ արք.ի նախաձեռնությամբ³²:

Կորոնավիրուսի հետեանքով ստեղծում իրավիճակը յաղթահարելու նպատակով Մայր Աթոռի եւ Վայոց Ձորի թեմի կողմից Ջերմուկ համայնքի ընկերային անապահով շուրջ 45 ընտանիքներին, որոնք նախորդ փուլում ծրագրից դուրս էին մնացել, արդեն Չրդ փուլով տրամադրուել են 30 կիլոգրամանոց սննդի փաթեթներ³³:

Վայոց Ձորի թեմի բազմերախտ ձեռնարկումներից էր 2020ի արցախեան դժնդակ պատերազմի օրերին Արցախից տարագրում ընտանիքներին Վայոց Ձորի թեմապատկան կառոյցում ապահով ապաստան եւ սնունդ տրամադրելու գործը³⁴:

Վայոց Ձորի թեմի կրթական-լուսատրական կեանքի նշանակալից իրադարձութիւններից է մարզի տարածքում պարբերաբար կազմակերպուող վերապատրաստման դասընթացները մարզի հանրակրթական դպրոցներում Հայ Եկեղեցու պատմութիւն դասաւանդող ուսուցիչների հա-

³² «Վայոց Ձորի թեմը սահմանափակ խաչիկ բնակավայրին տրամադրեց 3 տ գարու սերմացու»

<https://vayotsdzoritem.wordpress.com/2020/04/14/%d5%be%d5%a1%d5%b5%d5%b8%d6%81-%d5%b1%d5%b8%d6%80%d5%ab-%d5%a9%d5%a5%d5%b4%d5%a8-%d5%bd%d5%a1%d5%b0%d5%b4%d5%a1%d5%b6%d5%a1%d5%ba%d5%a1%d5%b0-%d5%ad%d5%a1%d5%b9%d5%ab%d5%af-%d5%a2%d5%b6%d5%a1%d5%af/> մատչում՝ 30.07.2022:

³³ «Աջակցութիւն Ջերմուկ համայնքի սոցիալապէս անապահով (45) ընտանիքներին»

<https://vayotsdzoritem.wordpress.com/category/%d5%bb%d5%a5%d6%80%d5%b4%d5%b8%d6%82%d5%af%d5%ab-%d5%bf%d5%a1%d6%80%d5%a1%d5%ae%d5%a1%d5%b7%d6%80%d5%bb%d5%a1%d5%b6%d5%ab-%d5%b0%d5%b8%d5%a3%d6%87%d5%b8%d6%80-%d5%b0%d5%b8%d5%be%d5%ab%d5%be/> մատչում՝ 30.07.2022:

³⁴ «Արցախից ժամանած ընտանիքները ապահով ապաստան են ստացել Վայոց Ձորի թեմապատկան կառոյցում»

<https://vayotsdzoritem.wordpress.com/2020/10/21/%d5%a1%d6%80%d6%81%d5%a1%d5%ad%d5%ab%d6%81-%d5%aa%d5%a1%d5%b4%d5%a1%d5%b6%d5%a1%d5%ae-%d5%a8%d5%b6%d5%bf%d5%a1%d5%b6%d5%ab%d6%84%d5%b6%d5%a5%d6%80%d5%a8-%d5%a1%d5%ba%d5%a1%d5%b0%d5%b8%d5%be-%d5%a1/> մատչում՝ 30.07.2022:

մար: Այդպիսի հերթական վերապատրաստման դասընթացներից մէկն էլ Հայաստանի Աստուածաշնչային ընկերութեան եւ Մայր Աթոռ Ս. Էջմիածնի Քրիստոնէական դաստիարակութեան կենտրոնի համագործակցութեամբ 2020 Փետրուարի 20ին Եղեգնաձորի «Գիտելիք» համալսարանում կազմակերպուած Վայոց Ձորի մարզի «Հայոց եկեղեցու պատմութիւն» դասանիւթի (ՀԵՊ) ուսուցիչների վերապատրաստման սեմինարն էր, որին մասնակցում էին նաեւ Վայոց Ձորի թեմի հոգեւորականները³⁵:

Վայոց Ձորի մարզում կազմակերպուող հրաշալի ու մարդաշատ միջոցառումներից է Նորավանքի ուխտի օրը: Մեծահոջակ վանական համալիրի ուխտի օր է հռչակուել Աշխարհամատրան կամ Կանաչ Կիրակին: Այդ օրը, բացի ասանդական ուխտի պատարագից, մատաղօրհնէքից ու հիւրասիրութիւնից, տեղի են ունենում գեղարուեստական բազմաբնոյթ միջոցառումներ՝ համերգ, ցուցահանդէս-վաճառք, մրցելոյթներ, զուարճախաղեր ու այլ հանդիսութիւններ, վանական համալիրի տարածքի մաքրման ու բարեկարգման աշխատանքներ³⁶:

Այսպիսով՝ 1991ից յետոյ նորանկախ ՀՀում հայկական եկեղեցական ճարտարապետութիւնը վերածնունդ, ապա նաեւ վերելքի նոր շրջան ապրեց: Ժամանակակից հայ ճարտարապետերն ու վարպետ-շինարարները, կիրառելով նոր արհեստագիտական միջոցներ, լուծումներ ու մտայղացումներ, նորակառոյց եկեղեցիները, այդ թւում նաեւ Վայոց Ձորի մարզի եկեղեցիները, բացառապէս նախագծում եւ կառուցում են՝ պահպանելով ու զարգացնելով հայկական միջնադարեան եկեղեցական ճարտարապետութեան լաւագոյն ասանդները: Վայոց Ձորի թեմի նորակառոյց եկեղեցիներում քահանայագործող Հայ Առաքելական Եկեղեցու նուիրեալ հոգեւորականները ներգրաւուած են ու իրենց գործուն մասնակցութիւնն են ունենում մարզի հասարակական ու ներհամայնքային կեանքի տարբեր ոլորտներում իրականացուող աշխատանքներին:

³⁵ «Վայոց Ձորի մարզի «Հայոց եկեղեցու պատմութիւն» առարկայի ուսուցիչների վերապատրաստման դասընթաց»՝
<https://vayotsdzoritem.wordpress.com/2020/02/21/%d5%be%d5%a1%d5%b5%d5%b8%d6%81-%d5%b1%d5%b8%d6%80%d5%ab-%d5%b4%d5%a1%d6%80%d5%a6%d5%ab-%d5%b0%d5%a1%d5%b5%d5%b8%d6%81-%d5%a5%d5%af%d5%a5%d5%b2%d5%a5%d6%81%d5%b8%d6%82-%d5%ba%d5%a1%d5%bf%d5%b4/> մատչում՝ 30.07.2022:

³⁶ «Կանաչ Կիրակին՝ Նորավանքի ուխտի օր»՝
<https://vayotsdzoritem.wordpress.com/2019/05/06/%D5%AF%D5%A1%D5%B6%D5%A1%D5%B9-%D5%AF%D5%AB%D6%80%D5%A1%D5%AF%D5%AB%D5%B6%D5%9D-%D5%B6%D5%B8%D6%80%D5%A1%D5%BE%D5%A1%D5%B6%D6%84%D5%AB-%D5%B8%D6%82%D5%AD%D5%BF%D5%AB-%D6%85%D6%80-4/> առ 30.07.2022:



Վալքի Ս. Տրդատ եկեղեցու Սուրբ Յարութին խաչքար-յուշակոթողը, հեղինակ՝
խաչքարագործ-վարպետ Վարազդատ Յարութինեան

THE CHURCHES BUILT IN THE VAYOTS DZOR REGION BETWEEN 2000 AND 2021

(Summary)

ARMAN MANUK MALOYAN (armanmaloyan@mail.ru)

The architectural school of Sunik holds an outstanding place in the history of Medieval Armenian architecture, with its talented architects, master builders and khachkar masters. Indeed, some architectural monuments of the Sunik school elevated medieval Armenian Church architecture to new levels.

Since the early 1990s Armenian Church architecture has experienced a revival, and a renaissance, as the building of churches and religious monuments were forbidden during the Soviet era. However, after 1991 modern Armenian architects and master builders revived the best traditions of medieval Armenian Church architecture and applied new technologies, solutions and ideas in designing and constructing new churches.

The paper is the second in a series that focuses on the new religious constructs that were built after the proclamation of the Republic of Armenia in 1991. It highlights the newly built churches and chapels of the Vayots Dzor region of Armenia, namely Surp Terdat Church in Vayk, Surp Anna Church in Malishka, Surp Mariam Church in Aghavnadzor, Surp Mariam Astvatsatsin Church in Martiros, Surp Yeghishe Chapel in Gendevaz, Surp Sargis Church in Yelpin, Surp Gayane Chapel in Kechut, Surp Gayane Church in Jermuk, and Surp Mariam Astvatsatsin Church in Rind. The paper describes the architectural forms of the above-mentioned churches and chapels, the history of their construction and other relevant issues.